



UNIVERSITÄTS-
BIBLIOTHEK
PADERBORN

Universitätsbibliothek Paderborn

[De Natvrali Ex Vngvivm Inspectione Praefagio comment.]

Baldi, Camillo

[Bononiae], 1629

Chyromantum de vnguibus, & maculis sententia. [Cap. IV.]

urn:nbn:de:hbz:466:1-13286

6 DE VNGVIVM PRÆSAGIIS.

mutuare , operæ pretium mefacturum arbitror , situm hæc explicuero ; tum quid chyromantæ de vnguibus sentiant paucis narrauero . Sicenim propositum meum facilius exequar , & curiositati eorum satisfaciam , qui hęc , quantum vis falsa cognoscere auent , & simul eorum vanitatem appare manifestam sentient .

*Chyromantum de digitis , & maculis vnguum
sententia . Cap. I V.*

Circa manum versari chyromantiam ex nomine ipso clarum est ; dicitur enim chyromantia , quasi manus cognitio , aut per manum diuinatio ; loquitur chyromantes de vola , & lineis quæ in illa sunt , loquitur de digitis , & vnguibus , & maculis , quæ in eis apparere solent , nos de lineis volæ nihil dicere oportet , de digitis quatenus illorum extrema sunt vngues quid sentiant , exponemus . Manum dextram ostendere aiunt , fatum eorum , qui interdiu nascuntur , sinistram eorum , qui noctu ex vtero prodierunt ; præter hæc digitorum radices , & digitos planetis attribuunt , Veneri pollicem assignant ; Ioui indicem , medium Saturno , annularem Soli ; Auricularem Mercurio . Pollicis partem inferiorem dicunt Veneri datam , superiorem autem Marti assignant , & vti Mercurio superiorem auricularis , ita inferiorem dant Lunæ ; quare duo extremi digiti duos habent planetas , medij vnum tantum ; Alij tamen aliter hæc distribuunt , cum hæc ad libitū sint ficta , & his nihil respōdeat ex parte rei , nam Lunam ponunt in parte inferiori manus , & Martem in medio collocant ; Nobis satis sit hæc nomina supponere ; Dextram manum continere prosperitates , sinistram infortunia portendere aiunt , liuidas maculas vocant saturninas , & plumbi naturam referre , & aquam à terra immunda passam indicare ; Albæ ad Venerem reducuntur , & ad stannum , quod illius vocant metallum , in his à chymicis aliquantisper dissidentes , qui metalla ex argento viuo , & sulphure generant . Roseas Iouiales vocant ,

DE VNGIVUM PRAESAGIIS. 7

cant, & ad naturam æris lucidi reducunt; Nigras Martiales, & ferreas; Mixtas Mercurio donant, & argento viuo; subcastaneas Soli, & auro, Lunæ quæ confractæ sunt, & ex albo, & rubro colore vix apparente compositæ, & ad argentum referridicunt; Præter hæc maxima est differentia si in principio in medio aut in fine vnguis apparuerint maiulæ, à dextris, à sinistris, in superficie, aut profundæ, in hoc item vel in illo digito: Item addunt radiosas esse primæ magnitudinis, & potentes valde; Non radiosas secundæ magnitudinis Stellas referre, prout in hoc vel illo vngue apparent Veneris, aut Iouis naturam repræsentare; Punctum referentes esse tertiiæ magnitudinis, vix apparentes quartæ, & tantummodo effectum suum minari, at qui facile impediatur, ne ad finem perueniat; Hæc sunt quæ à chyromantibus prædicantur, quæ cum nullam rationem nullamque obseruationem, quæ fidem faciat, habeant, omnino ridicula iudicanda sunt, & quæ à fano homine explodantur omnino digna. His itaque omisssis ad magis seria, aut saltem minus improbabilia veniamus, sunt enim vngues opera naturæ quæ Dei ministra est, quare non contempnendi.

De Maculis vnguum. Cap. V.

DE vnguibus institutus est sermo, his accidit, vel puros esse, vel maculosos, de utrisque agamus, & quid sint, & propter quid appareant; Dictum est vngues tendinum esse extremitates, atque hos ex neruis, & cartilaginibus ab ossibus originem habentibus conflatos esse; Hi tunc secundum naturam dispositi sunt, & sibi similes, quādo albi sunt, & album facient vnguem, & si ad pituitam naturalem accedent, quæ aqua est, & albi, & clari erunt secundum se vngues, & quasi laminæ cornæ diaphani transparebunt; Et quoniam transparentes, naturam sanguinis in subiecta carne existentis ostendent, quare & rosæ apparebunt, at si aliquam ob causam retrocesserit calor, & sanguis, liuidi videntur

A 4 tur